

按遼疏稿卷之四

請蠲免疏

題為邊地被災民苦已甚懇祈

聖慈酌議蠲折以甦危困事據整飭寧前兵備右叅

政兼按察司僉事馬拯呈蒙臣并總督軍門巡

撫都御史各批呈依蒙行據寧前管糧通判張

四德呈稱遵行親詣查勘得廣寧前屯衛所屬

驛堡下屯寨等處及寧遠衛中右所管屬地方

沿丘履畝踏躑得高田菊穀盡行枯槁旱死蘇

臺灣國家圖書館, NATIONAL CENTRAL LIBRARY, TAIWAN, R.O.C.



豆稻稗亦歉無穗窪地禾稼雖存子粒多半瞎
秕雖紅七月二十七日天降無益大雨苗禾預
已乾死十分之七隨據東關驛等處生員錢守
廉軍民張松等各泣稱八月十八日驟降大雨
連下冰雹雖消尚遺打傷稻穗逐一親行查勘
明白合無通融民便俯照三十一年折徵事例
有災無收穀五分豆二分姑准蠲免至於虧損軍餉
於本鎮主客年例餉銀內放給其無災有收穀
五分豆二分穀每石照軍餉例折納銀一錢二

分五厘豆每石折銀二錢五分各照輸納緣由
呈報到道據此看得所屬寧前二衛被旱災地
方寧遠衛中左所連山曹莊二驛并中後所五
處禾稼雖被旱災其有災者止計十八之三尚
可照舊追徵本色穀豆輸倉無容查議至於前
屯衛中前所高嶺沙河并中右所東關驛六處
地方乃被三伏亢旱苗多枯死及至得雨甚晚
又復為冰雹所傷餬口已歎無資錢糧將何輸
納邊民情亦萬苦據災實有七分既經通判張

四德踏勘明確呈報前來乞要盡將田糧蠲免
但查額餉爲民困當蠲糧恤軍尤當處餉倉
庫罄竭如洗奈無措處以抵蠲免似難允從及
查前屯衛中前所高嶺沙河并中右所東關驛
六處地方有災無收田共五百五十一頃八十
六畝六分零該穀豆一萬一千二百四十九石
五升二合零合無星乞照依軍餉事例題

請折徵內穀該七千二百二十二石一斗二升四合
零豆四千一百三十六石九斗二升八合零每

穀二石抵豆一石每一石折銀二錢五分外加
耗三升照數追徵送倉仍移文餉司與無災有
收本色穀豆搭放給軍庶錢糧不失原額軍民
胥得少甦等因又據整飭金後海蓋兵備兼管
苑馬寺事副使閻鳴泰呈據代金州海防廳事
岫巖通判戴章甫呈稱會同金州衛掌印指揮
福將率領各所千戶周永祚等并軍餘徐疾兒
等親詣本衛被災處所踏勘各所地方穀苗已
被亢旱枯槁豆種亦無一粒下田蒔苗稍長三

分之一到今十室九空家如懸磬壯者散而四方老和難免溝壑悲聲載道不忍見聞查得左所地方自棘針鋪起至旅順口堡止俱係災傷藹豆苗盡無歸家右所地方自五具牛屯起至免兒島于官屯止藹穀豆并無歸家止河口藹苗頗收三分之半豆苗亦無中所地方自花山起望海塌止藹豆亦無止有劉官寨東西不滿七里南北不滿四里藹苗頗收二分之一上豆苗亦無前所地方自大樹林起至黑魚灣止藹穀

豆亦無止有麻場東西不滿五里南北止有三里藹穀頗收二分之一上豆苗亦無歷踏勘的小民憂惶欲將本年應徵原額屯科米穀豆共三萬三千八百八十一石三升三合一勺五抄一撮內米九百七十七石三斗一升二合五勺一抄一撮穀二萬一千九百一十九石五斗六升八合一勺七抄九撮豆一萬九百八十四石一斗五合二合一勺六抄一撮蠲免以克賑濟之需又公同復州衛經歷何名標本衛掌印指揮

周維嶽管屯指揮顏永正率領各所千戶張得
功等軍餘管騷兒等親詣所屬沿屯挨地踏勘
得本衛各屯堡田地自春大旱至六月初三日
方得雨澤高岡雖槁下窪約有五六之望以後
並無雨澤遍起蟲災穀被綿蟲葡萄被蜜蟲盡皆
食死黃菜小豆雜田俱未下種人民飢荒逃竄
勘得上窪沙土屯寨約有一二分收成其長生
墳門等島并臨城屯寨十分大傷遍地荒蕪顆
粒無收通共災傷不等約有九分重傷止有一

分收成其本年原額屯科米穀豆共二萬四千
二百三十六石三斗六合四勺五抄一撮內米
二百七十六石四斗五升三合穀一萬七千五
百四十石八斗一升三合九勺二抄一撮豆六
千四百一十九石三升九合五勺軍民欲照萬
曆二十一年採荒

恩例蠲免五分餘照軍餉事例每穀一石折銀一錢
二分五釐每米豆一石折銀二錢五分庶邊餉
不致有缺而人民得以援生又會同蓋州衛管

屯指揮王化溥經歷馮汝驍親詣本衛遞運所
屯熊岳堡虎都馬谷馮家屯落水寨湯池上下
河寨王帽屯接官亭海山寨田家屯排又屯灰
塢屯等處一帶屯寨踏勘得屯科田地自春佈
種子粒在地方能出土未得寸雨黃菜小豆不
曾種地至五六月內藹穀方有出穗又遭油綿
二蟲將藹豆苗禾盡行喫罄一空穀禾稍有一
二尚存又兼海蠊蝻毒蟲蚕食殆盡軍民秋成
大無所望隨據屯軍董尚文等極口供稱禾稼

盡遭三蟲殘害錢糧何以上納軍民日夜驚惶
已棄故土遠逃他鄉棲身及查該衛本年原額
屯科米穀豆共三萬一千三百七十八石七斗
八勺內米三千四百七十八石二斗七升六合
六勺五抄穀一萬八千八百六十四石六斗二
升五合一勺五抄豆九千三十五石二斗九升
九合乞欲將蓋州城西北有災青石嶺等屯寨
三十六處屯科米一千六十九石二斗五抄穀
五千一百三十六石五斗豆二千四百一十二

石七斗八升九合本折各一半米豆每石折銀
二錢五分穀一石折銀一錢二分五釐城東南
災傷馬欄谷等屯寨八十三處屯科米二千四
百九石五斗七升六合六勺穀一萬三千七百
二十八石一斗二升五合一勺五抄豆六千六
百二十二石五斗一升俱全改折色款由造冊
具呈到道據此除海州衛被災稍輕不議外案
查萬曆二十一年蒙前撫按會題金州衛黃骨
島等屯堡七十七處有災八分石河等屯堡一

十九處有災七分屯科米穀豆內蠲免一半請
發部銀抵補折徵一半米豆每石折銀二錢五
分穀一石折銀一錢二分五釐題奉

欽依遵行在卷該本道看得金復一帶地方族擁羣
山環濱大海積沙斥鹵在在難耕卽豐之年猶
虞不給矧今歲自春徂夏寸雨不霑二來三苗
一災俱盡其民負老携幼絡繹奔逃卽善言勤
慰終莫能止雖爲之開倉平糶僅令米價之不
騰而彼已蕩產罄家安索斗升以自活二十一

年災亦僅止七分八分今則被災在九分以上
矣人情洵較之往時大是不侔非破格蠲折
則目前無食來春無種耆者紛有逃心逃者永
無歸念人之不存賦將安出所當半蠲半折以
示優恤而廣招徠者也蓋州雖稍收成而蟲
螟復加蚕食望之似乎有田搜之則多無粒西
北一帶接壤海州猶堪餬口所當本折各徵其
半東南半壁連茅金復被災頗甚所當全改折
色以示寬恤者也伏乞作速題

請將金復二衛比照萬曆二十一年題

准事例蠲免五分析徵五分所蠲之數乞請部發銀

兩抵補其蓋州衛似應本折分別徵納庶幾
才遺得以苟延殘喘將來錢糧猶望措辦有人
而南衛地方不致空虛等因各呈詳到臣據此
隨經駁行寧前海蓋二道再加查議應蠲應折
徵納確數速報以便會

題施行去後續據寧前道叅政馬拯呈報與前相
同及據海蓋道副使閻鳴泰呈查金復二衛被

災地方屯科應免一半五分該米六百二十六石八斗八升二合七勺五抄五撮五圭穀一萬九千七百三十石一斗九升一合六抄五撮豆八千七百一石五斗九升五合九勺八抄五圭照例每米豆一石折銀二錢五分穀一石折銀一錢二分五釐通共該銀四千六百九十八兩三錢九分三釐五毫六絲七忽一微二纖五塵乞早題

請蠲免仍行戶部管糧衙門於部發主客錢糧內核

查逃故官軍銀兩通融扣補其應改折色一半五分該米六百二十六石八斗八升二合七勺五抄五撮五圭穀一萬九千七百三十石一斗九升一合六抄五撮豆八千七百一石五斗九升五合九勺八抄五圭每米豆一石折銀二錢五分每穀一石折銀一錢二分五釐並蓋州衛應徵本色米五百三十四石六斗二抄五撮穀二千五百六十八石二斗五升豆一千二百六石三斗九升四合五勺折色米二千九百四十

四石一斗七升六合六勺二抄五撮穀一萬六千二百九十六石三斗七升五合一勺五抄豆七千八百二十八石九斗四合五勺每米豆一石折銀二錢五分每穀一石折銀一錢二分五釐通行查照徵收庶軍民少得蘇困緣由呈報前來據此案照先據寧前海蓋二道營復州參將事遊擊張昌胤各呈寧前金復蓋州五衛地方本年春夏亢旱田苗枯槁災傷等情已經批駁該道查勘去後今據前因該臣會同總督薊

遼保定等處軍務兼理糧餉經略御倭都察院右都御史兼兵部左侍郎王象乾巡撫遼東地方督理軍務兼管備倭都察院右僉都御史李炳議照遼左之地非斥鹵則砂磧即使歲豐穰尚不足以餉軍民之口而辦惟正之供也矧今歲自春徂夏亢旱如焦夏末秋交雹蟲為祟苗則槁矣實何有焉民且莫必其命稅又孰從而出乎所據寧前海蓋二道查報災傷如前屯衛中前所高嶺沙河并中右所東關驛六處與

蓋州城東南一帶被災頗重蓋州城西北屯寨被災頗輕至於金復二處災傷甚重民且逃流時臣巡閱六月在金復七月八月在寧前躬率官民祈禱雨澤焦枯愁慘之狀無一人無處而不聞且見者是可坐視而不救乎救之之法舍蠲折無繇焉及查遼鎮軍丁月糧過於本色米豆一石如穀二石遇放折色銀止四錢若照勘災折徵事例每米豆一石折銀二錢五分穀一石折銀一錢二分五釐合無將前屯衛中前所

高嶺沙河并中右所東關驛六處屯科該穀七千二百二十二石一斗二升四合零豆四千一百三十六石九斗二升八合零照例每穀一石折銀一錢二分五釐每豆一石折銀二錢五分外加耗三升蓋州衛東南八十三處屯科全改折色米二千四百九石五斗七升六合六勺穀一萬三千七百二十八石一斗二升五合一勺五抄豆六千六百二十二石五斗一升俱照例每米豆一石折銀二錢五分穀一石折銀一錢

二分五釐蓋州西北三十六處屯科本折各徵
一半內本色米五百三十四石六斗二抄五撮
穀二千五百六十八石二斗五升豆一千二百
六石三斗九升四合五勺折色米五百三十四
石六斗二抄五撮穀二千五百六十八石二斗
五升豆一千二百六石三斗九升四合五勺每
米豆一石折銀二錢五分穀一石折銀一錢二
分五釐金復二衛屯科應蠲一半該米六百二
十六石八斗八升二合七勺五抄五撮五圭穀

一萬九千七百三十石一斗九升一合六抄五
撮豆八千七百一石五斗九升五合九勺八抄
五圭應改折色一半該米六百二十六石八斗
八升二合七勺五抄五撮五圭穀一萬九千七
百三十石一斗九升一合六抄五撮豆八千七
百一石五斗九升五合九勺八抄五圭每米豆
一石折銀二錢五分穀一石折銀一錢二分五
釐俱送各倉收聽搭放軍餉仍作本色開銷其
應蠲米穀豆照例每米豆一石折銀二錢五分

穀一石折銀一錢二分五釐共該銀四千七百九十八兩三錢九分三釐五毫六絲六忽一微二纖五塵俱係額餉之數民可蠲軍不可少聽該部酌議補發或於本鎮逃故官軍銀兩通融扣補庶軍民困苦可甦而孤懸重鎮無虞矣伏乞

勅下戶部再加查議覆
請行下臣等遵奉施行緣係邊地被災民苦益甚懇

祈

聖慈酌議蠲折以甦危困事理未敢擅便為此具本
專差承差王好謙親齎謹題請

旨

萬曆三十七年十一月十六日

奉

聖旨戶部知道

查錄理學名臣疏

題爲查錄理學名臣乞

賜諡典以崇風教事項

皇上俞禮臣會議諡法之請仰惟

聖意所以留神法戒垂示後禩者甚至臣巡按一方

謬兼學校風化所關倘地方有名儒而不舉

奏實負

皇上德意臣則何敢臣竊見義州衛故給事中賀欽
崛起邊方力崇正學在諫垣以直言聞成化戊

子

京師災上疏極言應天以實不以文不報自劾又不報乃以疾歸構小齋讀書其中杜門不出者十餘年後薦起陝西叅議以母疾力辭且陳四事一講

聖學一薦賢才一處近習一修禮樂疏報聞且乞辭而欽竟用終焉當時惜之其爲學主於躬行實踐爲臣必期盡忠爲子必期盡孝冠婚喪祭服食起居一本自然之理而力行之如是自治如

是誨人如是而始如是而終其行實載遼誌吾學編鈞臺記醫閣集諸書極詳臣不能更僕述今第觀其化行於鄉之人故重佛老及諸不經之神欽爲製祀外神文俾祀而焚之一時翕然信從而異端遂息邊將有撲殺獻績者見欽卽吐實曰不忍欺城中亂卒焚劫見欽徃諭卽羅拜而散城賴以全而欽之教化可知也欽沒而鄉人思之不已以凌溪爲欽樂所構爲祠歲時祀之至今言必稱醫閣先生而欽之遺澤可知

也是時理學儒臣如檢討陳獻章修撰羅倫尚書張懋皆雅相契重樂爲師友而欽之所學又可知也沒之久而遼東名撫李承勳奏宜從祀王之誥奏宜建祠令有司春秋禮祭衣巾其子孫供祠事贈官階

賜諡號而欽之定論又可知也臣粗愚素不習講道學每見講道學者往往言是行非盜名欺世心竊耻之而于欽不能不尊崇欽敬焉蓋立

朝疏論既鑿乎其如彼居鄉教化又彰乎其如此身沒百年而遼之人事之如一時稱之如一口非甚盛德久而不忘者如是乎而褒崇之典久焉未伸甚非所以崇儒學獎名教而勵風化也臣見遼東將官一時感慨奮激而殞身者皆得蒙

國恩贈官錄廢

賜諡建祠厚食武功之報而文行如欽嘉言善行深入人心所以感發將吏親上死長之誠爲何如者而其報顧可後哉近蒙

皇上俯允臣等增額之議遼左文風翕然一變若復
微顯闡幽再舉斯典則文章得理學而益實道
德與功名而並隆

聖教廣被于遐荒儒化遠軼乎千古斯亦名賢之遭
逢而

聖世之美事也百年禮樂有待而行伏乞

勅下禮部會同九卿科道再加詳議如果臣言不謬
乞將故給事中賀欽

俯賜諡號以發真儒潛德之光而彰

熙朝崇文之盛人心幸甚臣愚幸甚緣係查錄理學
名臣乞

賜諡典以崇風教事理未敢擅便爲此具本專差承

差田大棟親齎謹題請

旨

萬曆三十七年十一月二十八日

五駁兵科疏

題爲勘事愈辯愈晦懇乞

聖斷併

遣科臣會勘以省聒瀆事日者臣疏駁兵科朱一桂
止於備述諸將詳揭仰候

聖明獨斷俯冀科臣自悟竊意科臣可以無言卽欲
辯諸將之詳揭亦應出杜松不應出科臣而不
意科臣又代松辯也辯參貂之事爲道無此詰
鎮無此對辯諸將之詳爲非臣示意則道臣羅

織而其辯且精也信斯辯也指授道將妬害功
臣又添一重罪案矣臣誠自厭多言又不得無
言臣也愚不識投降陷衆可以爲勇騙軍扣銀
可以爲廉撥賴尋死可以復用科臣詡焉述
通國之論而咎臨敵易將之非此爲杜松辯廉
勇也臣復何言參貂之說証松廉者亦有京洛
之書非鉗壓朝紳也該衙門姓名指總鎮衙門
非兵科衙門也臣實失於明註使科臣認真洗
解此爲衙門辯規禮也臣又何言乃鎮道相語

則實有此事矣守道謝存仁素心人也無妄語
頃又問之云去年在廣寧與松閑語松云昨將
幾百兩銀子往東邊買參貂去守道云往時都
是軍賠不該去買松云京中相知者這番規禮
斷不可少此後可以不買蓋好作商量非詰也
道臣不敢直言相詰松不肯對道臣明指爲誰
科臣之爲此辯也以爲不得餽送相知爲誰之
証則可若云貂參買否不可知則道將各揭俱
在也而誰其誣之至於億度諸將投揭之意爲

承望風旨卽非臣示以意而爲馬拯迫脅諸弁
共爲羅織符前日之譖以堅臣心之說在科臣
竊笑諸弁之投揭爲扶同而臣亦竊笑科臣之
代辯忒若思矣且夫諸將首辯皆請詳文移非
私揭也臣皆行道併勘非受私揭也殺降者於
法無赦諸將申詳之意或畏抵出首而求免也
未可知或道臣迫脅而羅織也未可知但疑其
意在承望風旨不知殺人何等事各認數十顆
而甘一死以實臣論杜松之言恐諸將不爲也

卽迫於臣威勉符馬拯前日之譖而自入羅織
以成後日之獄恐諸將又不爲也科臣徒謂臣
攬轡一方嘔吸變霜露叱咤成風雷司道而下
自非卓然有立者鮮不惟所願指而氣使況此
么麼武弁專伺喜怒以爲俛仰而不知按臣之
外尚有督撫兵權尤重按臣五日京兆而督撫
有常身者今勘事亦關督撫夫獨無喜怒而諸
將不伺舍兵權常尊而惟按臣指使恐諸將又
不爲也撫臣與科臣宋一韓同鄉巡道與科臣

同郡同年又督餉延鎮時與杜松同事而新鎮
臣又與松結義且科臣門生也必盡捐梓里知
交之雅容臣嘔吸叱咤于其間而且任拯之迫
脅恐撫鎮道亦不聽諸將爲也八月間巡道以
事體難處乞添一道會勘臣明告之曰惟貴道
專勘可以服舊鎮之心塞兵科之口吾固欲借
貴道示公耳乃近疏引嫌又付之下手御史矣
夫既借巡道以示公又付後來以完勘臣一入
關而指授誰爲臣掩迫脅誰爲拯庇冤屈誰爲

松枉顧科臣毋過爲松憂而預以威制主使掣
臣肘也若乃任馬拯而副知己安封疆與否臣
亦慮之而臣亦覺之矣近貴英款事報完惟拱
酋尚在講折但

明旨雖云督撫官便宜行事而督撫尚畏中制不敢
任也以付馬拯馬拯日被譏彈不敢任也以付
楊暉乃近日又聞有造款成必奪其缺與暉之
說者以致陰撓漸布疑譖而楊暉又不敢任也
以付通使陳槐若陳槐再不敢任拱歹再逞而

大勝堡之事再見此文墨糾纏內外牽制上下
推托而人心不和之故也非獨拯過也拯未媚
虜何誤知已未陷城堡何壞封疆理直事正何
混淆議青天白日之下衆目任視衆口任言何
必指掩手塞又願科臣無過爲臣慮而預以後
人覺臣代臣恐也乃臣則因此而自傷亦已極
矣當哈流免報捷之時假使臣亦扶同誇功豈
不內外無間免此唇舌只緣不敢欺罔
朝廷是以點破殺降與松善彌後言不圖爲松者

日作日壞庇松者日激日深致臣盡發其狀以
有今日非臣本意也及大勝堡陷覆之日又使
臣但秦越相視豈不利害無關免此煩惱只緣
不忍殺戮生靈是以急欲收拾借拯暫理敗者
不圖恨拯者日吹日求爲拯者日畏日阻使款
不得結局以至今日亦非臣本意也且松之去
也臺臣張爾基叅之科臣胡嘉棟叅之雖宋一
韓亦叅之後兵部見其拚死復叅去之而臣叅
乃獨後不知科臣何見而獨以斥松加臣馬拯

之陞也撫臣先移書於內欲留之臣始議留後
因巡道言大同善地又不欲以寧前苦之僅留
三月而其後疏留久任則又撫臣意撫臣筆也
不知科臣何見而獨以庇拯加臣。初建議于
河西養兵蓄銳俟虜境上不宜常出塞久暴我
師未嘗言款也後督臣移臣書云插漢諸酋俱
聽薊門撫款復差通官往諭虎墩兔罕及黃台
吉拱兔三大酋爲遼講款而兵部亦條上款議
甚具臣五月初查密大勝堡疏始有部院議款

業從誤處收拾之說款不自臣始也不知科臣
何見而獨以斥松故絀戰用拯故主款之說加
臣科臣而言戰款則言戰款已矣無故相加而
且以爲買貢爲誤機臣卽勝心盛氣不亦宜乎
其後科臣旣以此說加臣而臣亦遂直任之不
辭侃然反覆申明以爲保全地方計人第見
其後之疏論如此皆忘其所以而曰斥松者非
他人按臣也松去而地方失事按臣責也留拯
者非他人按臣也留拯而付託不效按臣責也

主款者非他人按臣也款議而虜尚稽盟按臣
責也自以此責盡交於臣於是伺臣者曰幸款
之無成以爲口實而竟不察始初之斥松者留
拯者議款者爲誰又舍却松未去時敗覆光景
而第以去後之烽燧時聞謬爲松解此非成心
則不看邸報之過也雖然不揣職分強與人事
自取懊惱臣實過矣此臣之所以自傷者也臣
以歸結勘事屢疏俱蒙

聖旨不見部覆議論紛々何日而定嘗記往時播地

是杜松罪案何於馬拯則確云委當坐誅而不
加松一字乎拯不可與職主封駁者並論是也
獨不可與松並論乎卽職主封駁者不任失言
之罰而悔亦不肯乎行而不悔則殺降開釁欺

君誤

國而不顧言而不悔則徇私蔑公欺

君誤

國而不顧科臣自恃封駁以失言爲無妨歟不
止其病根全在不悔此孟軻氏所以有易言無

責之戒也

國制言事者不許虛文泛言若挾私搜求細事及
糾言不實者抵罪臣今乞與科臣各書連坐結
狀一道送部立案如果馬拯姪害是實則併坐
臣罪如果杜松殺降是實則併坐科臣罪庶幾
啓其悔心不敢妄言此今日省議論一法也流
乞

聖裁施行緣係勘事愈辯愈晦懇乞
聖斷併

之勘督臣王象乾所持本正而中外袒郭子章
之說竟紛紜者數年東事之勘徐觀瀾所持本
正而驅逼西還待揚應文一徃而其局立結今
日之事非得揚應文其人者而誰與了此哉伏
乞

勅下兵部議覆

特遣科臣一員與臣下手御史會勘正罪耶足以示
公叙功耶足以庇私誠為兩便至於馬拯科臣
既疑有迫脅羅織情弊其有無臣不能知但先

可迫脅諸弁共爲羅織以符前日之譖則後亦
可迫脅閭官共爲鍛煉以實諸弁之言蓋官在
則權在或不得不爲其所脅耳似應解任聽勘
以奪其權所有印務款事聽撫臣暫委料理待
勘完日有無迫脅再作區處抑臣又有感於科
臣之疏也凡臣疏于部覆下皆兩置松拯責詞
以俟酌議而科臣獨曰如果臣言爲是馬拯何
辭妬害委當坐三尺之誅卽或臣言未當臣職
專主封駁亦豈任失言之悔夫曰臣言未當便

遣科臣會勘以省賂瀆事理未敢擅便爲此具本專
差承差陳繼明親齎謹題請

旨

萬曆三十七年十二月初二日

奉

聖旨兵部知道

閱視疏

題爲虜衆內附邊患稍寧乞及時大修邊政以永
圖治安事臣於萬曆三十七年二月十二日欽
奉

專勅令臣將萬曆三十四年正月起三十六年十二
月終止三年內錢糧等項八事及一切應行事
宜查照先今事理遍行所屬地方從實查閱等
因臣遵奉

簡命朝夕冰兢自寧前廣寧遼瀋開鐵以至金復海

蓋等處無處不遍焉自錢糧險隘兵馬器械屯
田鹽法以至胡馬逆黨等事無事不核焉自督
撫鎮道副叅以下諸臣無臣不察焉先是各道
造報閱冊容有沿舊套裝門面者臣復檄以事

關

奏繳地方可以欺臣之不敢欺

朝廷逐款親筆批註情節駁回另造續據冊報稍
加刪改而臣之心力則既盡此矣除將查閱過
八事緣由備造文冊並原奉

勅書恭行

奏繳外所有文武功罪例應分別奏

請臣恭繹

勅書云邊臣果能着實修舉著有勞績及踵襲故套
搪塞誤事者俱從實具奏以憑賞罰蓋程量功罪
所以示激勸而鼓舞邊吏也今閱內諸臣果能
著有勞績臣何敢蔽功果無搪塞誤事臣何敢
苛罪而茲且何如哉以言乎錢糧則耗於撫賞
耗於當季耗於買馬侵冒不趨不積也以言乎

除則新地棄而東疆壞老邊棄而西垣壞堡
臺廢而守望壞不趨不修也以言乎兵馬則老
弱虛糜精壯坐食教場盡爲林圃而不一練也
以言乎器械則甲單盔敝刀卷矢亡火器盡置
高閣而不一整也以言乎屯田鹽法則役軍私
種或養廉數千石或子粒數百石而官家不聞
開一寸土也賣窩買窩或以勢逼出通關或以
情壓買糧粟而軍士不得沾一分惠也以言乎
胡馬逆黨則買老弱以冒價而壯大者聽夷牽

回也間殺降以邀功而回鄉者不爲安插也由
是觀之無一而非踵襲故套搪塞誤事者也豈
惟不當叙卽人而罪之亦復何辭惟是提衡
謬而持正之難時地苦而展錯之難流俗靡而
超拔之難體情量物固有未可以一槩過求者
除原任分守道布政使張中鴻聽勘歸結原任
海蓋道右參政楊位告老休致外見任寧前道
右參政馬拯原任開原道今陞江西參政石九
奏年深應叙且西撫長昂快兌東撫宰煖北關

諸酋勞績委難泯沒但查極閩內數有竊掠雖不止寧前爲然九奏去秋邊事雖不緣本官所致然不免爲功中之過況經考滿已陞一級與副叅以下雖年深而無功可見者俱不敢叙又將領陸續自臣論逐者十有二人搜索頗盡今查道將中應劾者得二人焉其原任分巡道杜察使郝大猷見任右屯營遊擊張應种乎應准養病者得二人焉其巡撫標下副將趙紳總兵標下遊擊崔吉乎臣去年之叅郝大猷也止爲

馬價一事而罪不止於馬價也其爲人也柔媚無骨傾府庫以悅舊撫鎮之心而恣其所用以

欵發賞功胖襖邊夫馬駒等銀數萬金爲舊撫當承而庫藏空矣自歲奉數萬金換舊鎮所收老弱馬匹而馬價耗矣自撫賞驟加至三萬餘金而子銀竭矣自差官蘇杭買貨還者每驗輒數百金樣段十數疋方行估削而夷貨濫矣自承贊畫之檄領兵馬往開原誘殺守寨而邊釁開矣

自借巡邊爲名往遼陽主吳布漢與奴酋盟誓
而

國體辱矣自入各將賄與舊撫鎮言陞則陞言調
則調餽送少不周者叅處立至而寵賂彰矣自
署海道不三月更換委官二十餘人或一百或
二百而衆議騰矣自署戶部得羨數千金又歲
得未登贖銀千餘金而操守壞矣此一臣者脂
韋成性營幹通神當聽吏計黜處以警官邪者
也今春之調張應种也爲其不堪衝邊也而不

止於衝邊不堪也其爲人也口多游詞外虛恢
而中實貪婪無所顧忌一在戚家堡爲部軍所
告賄佚郝巡道而調寧遠矣一在寧遠爲軍民
所訐行求舊撫鎮而調開原矣一索取常例月
扣軍餉四五十兩而李必茂等扣送矣一更換
旗牌每名得銀五兩免換而劉世亨等過付矣
一領闔營軍陸續採打柴木賣銀千餘兩而修
城爲騙局矣一占使騾四十頭日每輪載所造
各色器物運赴廣寧私家而馱砲爲名色矣一

生辰諷各軍孝順馬步每隊各攢銀五兩約四百金上壽矣一伊男張士彥赴京襲職駕言缺費科門下殷實員役數百金克行橐矣一占軍匠織網結席造器駕鷹打魚等項而取盡錙銖矣此一臣者桑榆已逼谿壑難填所當革任回衛以恤軍困者也至於趙紳崔吉兩人者皆謹教無過顧其人已老矣一以眼疾借差一以沉疴辭印矣當跛撫眇鎮之日或將同病以相憐豈文襄武奮之時而得借閑以自便所當放回

養病無礙傳宣者也等而上之則督撫鎮臣矣除見任督臣王象乾撫臣李炳皆以一時重望兩月淺勞未敢妄叙外舊督臣蹇達其物故者也舊撫臣趙楫舊鎮臣李成梁其各以棄地事聽勘杜松則以殺降事聽勘者也而臣又何叙乎臣惟閱視之有劾也所以懲欺玩也其有叙也所以勸勤勞也兩者並行所從來久而一旦以邊政不修之故至遼獨有罪而無功豈不爲諸臣職業羞至臣閱獨有劾而無叙又豈不爲

朝廷大典羞諸臣而念爲職業也則當求所以
稱之而毋怠玩偷安再墮其官守諸臣而念爲
朝廷羞也則當求所以報之而毋甘罪惡過再外
於

褒嘉度必有惕然愧悔翻然省改而不容自己者
是則臣之不叙乃所以善勸邊臣而深於叙也
歟哉蓋臣嘗推原閱視之本意未嘗不歎先閣
臣高拱謀

國之忠而恨節年邊臣誤

國之罪也虜自嘉靖庚子猖獗以來

朝廷屢行修舉邊務卒以侵擾不得閑暇迄隆慶
庚午間俺酋不悉砥犢之愛叩關請臣于時高

拱獨排衆議力主封

貢蓋其本意直欲得一閑暇之時大修邊政永圖
治安此

朝廷制禦之微權而老成籌邊之深計也閱視之

役實起於此今閑暇四十年封

貢不爲不效矣假使邊臣果能逾時積我錢糧修

我險隘練我兵馬整我器械以至屯田鹽法胡
馬逆黨等事皆一修舉如拱言豈不食足兵
強垣堅壘厚可戰可款常操其權於我而不意
相率狃款弛備偷取一切人復一人歲復一歲
浸淫弊壞以至此極也拱疏曾屬望邊臣云毋
使臣等一念謀

國之忠他日翻成誤

國之罪今其言驗矣甚矣邊臣之誤

國而負拱也遼左往年虜款諸臣有其暇而不肯

爲今年虜逞諸臣欲有爲而不得暇故前者臣
疏申明款議其要領所在實與拱意相爲符合
今宰蹇效誠來酋革面拱免受款漸有次第三
月以來西陲無事不可謂非寧靜之一時也趁
此閑暇作一事則得一事之力早一日則有一
日之備往者不可諫來者猶可追臣是以有感
於閱視之本意而反覆三致意焉伏乞

勅下兵部再加查覈將郝大猷等覆議上

請明

示黜罰使邊臣咸知愧懼不敢搏弄虛文自取罪戾

仍

嚴諭自今以後務將八事着實修舉克著勞績無使
朝廷賞賚之典懸而不試則人心愈加激勸邊政
益舉而治安可圖矣緣係虜衆內附邊患稍寧
乞及時大修邊政以永圖治安事理未敢擅便
爲此具本專差承差許世光親齎謹題請

旨

萬曆三十七年十二月十一日

奉

聖旨該部知道兵部覆奏
聖旨是

修邊舉劾疏

題爲修完沿邊城堡臺牆併舉劾勤惰官員以重保障事臣奉

命按遼自出關以來照得遼東邊面非有岡巒之阻關隘之塞所恃者不過城堡以容兵衆墩臺以明瞭望壕牆以制衝突非有它繆巧也河東沿河一帶虜衆駐牧出沒無常其于防禦尤爲喫緊邇來臺堡坍塌間有存者低矮易躋且係泥砌一掘卽倒又無壕塹阻當虜騎鞭稍一舉頃

刻數十里以致時之攻劫必荼抄掠道途民廢
耕種人阻往來千里膏腴鞠爲藜莽東北一望
良可寒心臣又東踏疆界起自東州堡經馬根
單散羊峪清河一堵墻醵場孤山洒馬吉靈陽
新奠大奠永奠長奠一帶城垣多係亂石堆築
原無灰汁灌砌年久開裂人足一震石輒墜
自下所至倒塌都城漫坡門甕俱無但戶缺
口人皆野住不敢進城問之則云有虜之時
便于騰山逃命似此城無堅壘人無固志

若不修理而建酋一動東邊十數城非我有也因
此牌行分守開原海蓋三道督同各該將領分別
極壞次壞工程逐堡逐臺逐里逐丈明白估議去
後續據各道查覆除次壞工程尚待後舉外其應
修極壞工程併所用物料人夫軍夫鹽菜銀兩
備細造冊呈詳到臣批允修理仍動臣衙門贖
銀放給鹽菜外本年六月內臣巡歷金復海蓋
路過頂石山堡據堡民稟稱該堡無泉生畜難
聚情願改復熊岳舊堡等情到臣惟屯堡原

爲生聚人民而設必乘地氣以保吉利熊岳堡
自萬曆十五年改移于饅頭山後背陽面陰生
氣旣絕懸崖歎徧形勢更凶且城內無泉人民
逃徙查據當初改設主意不過以山上可避虜
耳臣從馬上三箭三貫其頂無謂陡滑難登縱
使得登而群數千人露立于一頑石之上四面
攢矢將何遮攔及經過熊岳舊堡係古縣治川
原平敞山水環集人物財賦在遼元爲盛此善
地也地方居民皆願修葺復牌行海蓋道查議

造冊詳報到臣批免改復其軍夫鹽菜亦於臣
衙門贖銀動給去後今據分守遼海東寧道右
叅政謝存仁呈准管遼陽副總兵事叅將佟鶴
年手本開稱所屬南接海州界自遼陽長靜堡
南夾河臺起北至瀋陽所屬長營堡界止挑修
過壕牆順長一百六十里牆高九尺底闊一丈
二尺收頂六尺俱用柴薪葺頭壕深八尺口闊
一丈底闊六尺牆壕共高深一丈七尺重修邊
腹墩臺二十五座每座高連梁頭三丈圍圓九

丈共燒用過青磚八十三萬一千塊石灰五千二百九十九石給過軍屯邊夫鹽菜銀一千九百七兩犒賞過肉鹽銀九十七兩五錢五分一釐二毫五絲又准瀋陽遊擊王紹芳手本開稱所屬南接遼陽界自瀋陽長營堡起北至十方寺堡鐵嶺界止挑修過壕牆順長一百四十里牆高九尺底闊一丈二尺收頂六尺俱用木薪稔頭裏口高九尺外口連壕高深共一丈七尺壕深八尺口闊一丈底闊六尺重修邊臺二十

座每臺高連梁頭二丈圍圓八丈共燒用過磚六十六萬塊石灰六千六百石給過軍屯夫鹽菜銀一千五百三十五兩八錢犒賞過肉鹽銀八十五兩三錢七分五釐又准代寬奠叅將事原任遊擊劉文魁手本開稱所屬重包過大奠堡一座週圍四百三十丈高連梁頭二丈五尺改券西城門一座西門樓與腰角樓共十間鐵裹城門二扇共燒用過青磚板瓦九十萬一千三百五十三塊片石灰二萬三千三百石又挑

過圍堡壕塹一道周圍五百三十丈深闊各一丈五尺給過軍屯夫鹽菜銀六百二十兩犒賞肉鹽銀七十六兩二錢又重包過靈陽城堡東南二面共計二百四丈五尺高連架頭二丈五尺南面門西順城二十七丈西南角臺一座燒用過青磚四十萬六千五百塊石灰七千八百六十四石四斗給過軍屯夫鹽菜銀三百五十九兩犒賞肉鹽銀五十二兩一錢又拆包草河堡一座周圍一百二十六丈八尺高連架頭二

丈五尺創展甕圈周圍一十六丈南門樓三間門臺四角臺五間鐵裹城門二扇燒用過青磚板瓦共三十三萬八千六百七十六塊片石灰二萬一千六百八十石給過軍屯夫鹽菜銀二百九十兩犒賞肉鹽銀四十八兩三錢又寬奠創起本城鍾樓一座燒用過青磚板瓦共一十萬七千九百六十四塊石灰九千七百五十石本城腰敵門臺八座東關門臺一座南北二面敵臺三座角臺四座共燒用過青磚二十七萬

五千七百一十四塊石灰八千六百九十三石
給過軍夫鹽菜銀一百二十二兩三錢三分二
釐五毫又准管鎮江遊擊事都司王汲手本開
稱所屬包修過長奠堡一座周圍連腰角臺共
四百三十丈內外城門二座俱高連梁頭二丈
五尺裏門庭房三間腰角臺更房六間共燒用
過青磚板瓦一百二十四萬四千一百九十塊
片石灰一萬一千七百六十九石給過軍屯夫
鹽菜銀五百八十八兩犒賞肉鹽銀五十八兩

三錢一分又據清河守備陳九圍呈稱清河堡
爲因城內無泉展開北關磚城一座周圍三百
八丈高連梁頭二丈五尺收井入城以便
補修舊城二十丈梁頭一百四丈腰角臺四座
敵樓四座燒用過青磚板瓦共九十八萬一百
一十四塊片石灰一萬三千三百八十石又拆
修一堵牆堡一座周圍四百四十五丈六尺高
連梁頭二丈五尺并脩蓋過東西門樓角臺三
座燒用過青磚一百一十九萬八千一百塊石

灰一萬一千九百七十一石挑挖圍堡大壕二
道周圍六百五十一丈深一丈五尺口闊一丈
五尺底闊五尺築過圍堡短牆一道又築過臺
臺六座挑過邊壕一道深一丈五尺口闊一丈
五尺底闊五尺用大樹木柵一道長二十里又
包修蘇場堡城工架頭八十丈四面裏城七十
丈燒用過青磚六萬塊石灰一千五百石
墩臺八座圍堡短牆一道大壕一道又補修孤
山堡城東北角臺一座墩臺七座又包修散羊

峪堡南門甕城三十五丈高連架頭二丈五尺
用過青磚三萬五千七百四十塊石灰一百二
十石又補修馬根單堡并關廂工程三百
燒用過青磚一十二萬九千四百三十塊石灰
八百八十四石并邊臺一座築過圍堡短牆一
道挑挖圍堡大壕一道又補修威寧營堡東西
二門圍牆三十三丈土築西關北面順長四十
八丈挑挖過圍堡大壕二道共給過軍夫鹽菜
銀二千五十七兩犒賞肉鹽銀七十九兩一錢

二分又據整飭開原兵備按察司僉事高折枝
呈准管鐵嶺遊擊事叅將李効忠手本開稱所
屬南接瀋陽界自懿路丁字泊起北至開原中
固定遠堡界止挑脩過壕牆一百里零一百四
丈牆高九尺底脚寬厚一丈二尺收頂六尺裏
口高九尺外口連壕高深一丈七尺壕深八尺
口闊一丈底闊六尺又重修并增設墩臺
每座高連梁頭三丈圍圓九丈燒用過青磚二
十四萬塊石灰二千四百石給過軍夫鹽菜銀

共一千一百兩犒賞肉鹽銀四百兩又准管開
原叅將事遊擊曹文煥手本開稱所屬南接鐵
嶺殷家庄窠堡北界起至開原鎮北堡迤東燧
泥溝臺止挑挖過壕牆一百六十三里零一百
四十六丈又鎮夷堡迤東漢州臺一處樹木稠
密難以挑築安置木柞一百二十丈通共長一
百六十四里零八十六丈外於小邊自定遠堡
王遵臺北界起至古城南界止築挖過壕牆計
一十七里零四十丈以上牆高九尺底脚寬厚

一丈二尺收頂六尺裏口高九尺外口連壕高
深一丈七尺壕深八尺口闊一丈二尺底闊六
尺又從鎮北堡迤西灰窰衝臺起至清陽堡迤
東擂鼓臺止安過裏壕通賊要路水木柞計
二十一里零二十丈重修并增設邊臺一十九
座每座高連梁頭二丈八尺圍圓一十丈共燒
用過青磚五十七萬塊石灰五千七百石如過
本處并復蓋軍夫鹽菜銀一千三百六十兩九
錢四分二釐犒賞肉鹽銀六百一十八兩五錢

又菊糧五百石又據整飭金復海蓋兵備按察
司副使閻鳴泰呈准海州叅將蕭如蕙手本開
稱所屬自東勝堡北界接遼陽長靜堡至小
堵墻起至本邊東昌堡西界三岔河東岸止順
長五十四里零一十一丈木柞水口一十三處
木柞邊臺馬圈門三十座出哨馬門二十三座
共長六十里零二十九丈墻高一丈一尺底脚
寬厚一丈二尺收頂六尺俱用柴薪稔頭裏口
高一丈一尺外口連壕高深一丈九尺壕深八

尺口闊一丈一尺底闊六尺又將小姐廟古樓
臺包修在裏共添墻壕各六百丈又自東昌堡
迤西起至三岔河東岸止創修路堤一道順長
一十九里堤式內外俱高一丈一尺頂闊一丈
一尺底闊一丈七尺通水大橋三座木欖馬門
一座又重修大路墩臺五座每座高三丈圍圓
十丈共燒用過青磚二十萬塊石灰二千
過軍夫鹽菜銀七百三十二兩犒賞肉鹽銀三
十四兩二錢四分又據蓋州備禦李杰呈稱包

修過熊岳舊堡一座土身四直并甕城護門臺
腰臺角臺一十二座通長六百六十丈高連梁
頭二丈七尺共用青磚二百六十八萬三千塊
石灰三萬五千八百三石給過人夫鹽菜銀四
百兩三錢二分各呈報到臣該臣看得邊塞以
墻壕為垣城堡為室墩臺為牖所從來矣遼邊
二千餘里墻垠平原關無結草之固地無寸土
之限臣甚危之是以有東西修築之役而春間
西虜報仇東虜美兵戎馬倥傯臣恐工程難就

所有鹽菜犒賞等費不敢題

請動支官銀但只括臣贖錢多方矣處于是徑檄道將自海州起歷遼陽瀋陽鐵嶺開原以及清河一堵牆大奠靈陽草河長奠等處各糾軍夫數千人一面修工一面防虜所在雲集沿河牧夷十數萬皆詫視不敢動惟於遼陽以數千騎三入而三拒之竟無所獲而後亦竟無擾焉臣嘗與工動衆者不患虜衆之侵軼而患在我隄備之不嚴衆心之不奮初起工時官軍頗懷疑懼

臣親帥道將出塞相度且命馳射以示無恐每日修築所至環戰車爲營或挖立營盤安排火器以爲家當又挑選精壯爲遊兵往來防

軍夫有所恃始弗懼也每軍日給鹽菜銀八釐南衛軍往開原者一分二釐邊夫四釐屯夫一分而軍夫有所資始弗饑也臣猶恐其不足移文餉司春夏秋三季凡修防軍士除應給折色外仍每季增給折色一月而軍夫有所裕始弗內顧也臣猶恐工程浩大軍夫久勞苦以情義

告諭官民出夫助工二十日時李成梁子若孫
李如栢等助夫五百名以為倡而數日間開鐵
遼瀋助工者遂至萬人軍夫既喜得此一助修
築愈力而開鐵時正乏糧如栢如樟如梅又共
助穀芻五百石如樟如梅又助銀三百兩而各
官商民人等又助銀七百餘兩臣以開鐵軍夫
更若行令該道查收大行犒勞時遼陽亦

數百兩臣恐累民令該道卻還之而是時督臣
王象乾差官以犒賞三百金至撫臣李炳以犒

賞一千三百金至大行犒勞而軍夫始益鼓舞
趨事不知其為勞也以此衆心齊奮衆力畢舉
壕墻之工以六月完墩臺及東路六堡城

十月完終工之日無有一人怨者而至於熊岳
堡工以六百餘丈之城起工於八月報完於十
月則雖子來不日之速恐亦無以過此矣通計
挑築過壕墻六百八十五里包砌過墩臺九十
九座清河一堵墻草河靈陽長奠大奠熊岳堡
城七座補修釀塢孤山散羊谷馬根單威寧營

城堡壕牆五處共用過臣贖銀一萬三兩五錢
九分零督撫犒軍銀一千六百兩地方官民財
工銀一千一十八兩五錢穀藟五百石役不踰
三時費不動官帑軍不煩調遣遂使東路城堡
雉堞雲連卽建酋一日緩急皆可屯守而東昌
沉懿開鐵一帶田地尚所離城四五里十餘里
不敢種者今且開拓二三十里自入秋以
狎于野莫不安意收割而並無一虜一騎踰塔
搶掠者豈臣之愚而能及此良由我

皇上神威遠震諸夷斂跡不敢擾犯故使官軍得以
畢力完事而督撫之同力協濟餉司之苦心通
融道將之躬行督率其力亦居多也查得

舊例效勞員役應得查叙以示激勸臣以爲此
乃邊臣之常且按臣從來無脩築之例擬合

奏報工程錢糧數目不爲薦叙顧念平地創險而
虜復縱橫垣塞本自爲難七堡展脩而夷方恃
逆包砌更覺非易諸將吏畏法嚴不敢不盡
力其實暴露窮荒耽驚受怕憔悴辛苦臣甚念

之何忍不薦負諸將吏況按臣所以激勵人心者獨有此舉劾之權尤未可以自嫌而妨公薦者查得分守道叅政謝存仁海蓋道副使閻鳴泰原任開原道副使今陞江西叅政石九奏皆以劈畫遠謀綢繆先計歷間關而相度周慎長垣縈六百里之提封督將吏而鳩課嚴明宗堞起數十年之氣色緩急皆有所恃東西可虞雖三臣之口不言勞而三臣之心爲獨苦俱應紀錄以獎賢勞先任海州叅將今陞遼陽副

將佟鶴年鐵嶺叅將李效忠瀋陽遊擊王紹芳開原遊擊曹文煥鎮江都司王汲先署東協事務原任遼東都司嚴一魁帶署海州事務都司胡從化清河守備陳九圍以上諸臣苦力經營實心幹濟當工程極難極險而奮身率作不辭櫛沐之勞值虜衆西訐東訐而加意哨防克制突馳之擾拊衆而同甘共苦督工則日省月成俱應紀錄內除曹文煥陳九圍已於增兵疏內議陞原職外王紹芳未任則工程勘議爲

勞旣任則疲邊拮据獨苦似應量復原任叅將
職銜而遼陽邊長一百六十里嚴一魁實經理
其半且三當虜犯一獲首功所應照原官遇缺
推用者也開原備禦林宗舜蓋州備禦李杰蒲
河備禦孟先春靉陽守備劉士英沅河備禦何
世延懿路備禦祖天壽慶雲備禦竇承武試靖
營備禦李應選長安備禦王琚清陽備禦

大委修熊岳堡原任備禦文濟武委修海州邊
牆原任備禦祝世泰管東協中軍事原任備禦

魏國印以上諸臣或獨當一面而事不避難或
跟隨大衆而心期共濟馳驅絕域胼手胝足以
無辭住宿沙場暑雨祁寒而不顧併應知

除林宗舜已於增兵疏內議陞遊擊外李杰撲
誠有勇善撫礦豪該道恐其俸久別陞相應加
銜照舊管事而文濟武祝世泰魏國印才力俱
堪兼有勞勩俱應遇有員缺復職推用者也中
固備禦鄭朝隆起家行伍有勇無謀修築不加
精勤工程全欠堅固近據該道揭報該備壕牆

大不合式乞要一懲以別勤惰似應革去新加
遊擊職銜仍以備禦管事再俟明年修屯有效
方准復職東昌備禦李維德改周為李兩姓家
奴向恃勢以橫行今怙終而不改據該道揭報
剝軍驗馬指賊騙人科害屯衆及被人告訐種
種穢跡臣不具論只如修築一事所為遠望
望便于軍夫進止者全賴墩軍以為耳目
每墩私撤二名取魚止以婦人小兒登臺瞭視
時有為臣言其狀者臣猶未信及過東昌面問

本官自知難匿對云三岔河有船二隻舊規每
墩撥軍一名巡河非二軍也臣聞其言而恨之
當胡虜南牧風塵滿眼雖使離婁乘障猶
察況乃自撒耳目萬一虜騎奄至工所數千軍
民何以自保貪玩如此所當革任回衛以警後
來者也其中軍千把總以下應薦者俟臣差完
查舉應獎應戒者徑行獎戒及助工鄉官李如
栢等優禮致敬外所有脩過壕塙臺城堡工
程動過鹽菜銀兩數目理合

奏報伏乞

勅下兵部再加查覈將道臣討存仁等將領佟鶴年
等分別紀錄復銜推用黜革覆議上

請施行臣愚無任感戴待

命之至緣係修完沿邊城堡臺牆併舉劾勤惰官員
以重保障事理未敢擅便為此具本專差人差
常以寧親齋謹題請

旨

萬曆三十七年十二月十三日

奉

聖旨兵部知道

劾自在州疏

題爲州官貪酷異常冊處未盡厥罪謹據實糾劾

乞行提問大懲邊吏事臣謹按管自在州

東濟南府同知萬愛民性本陰鷲慾類貪狼政以賄成敢爲放濁頃已開具劣狀註以不謹字面造冊送部以備考察顧猶不意其大貪大酷一至於此極也頃臣拿其心腹用事者佟志武戴國聘楊得春李起鳳等四人問之絕不提出訪單事件一字第令各役思想平日所與本官

過付者一、供報以合臣單而是日臣抱寒疾不能執筆命管糧通判凌子任立於堂左代臣註記強半皆臣單所未有臣請得而備述之一查勘朝鮮王子往來十四館每館收銀一百兩王京下馬起馬各大宴每宴收銀一千兩綿紬夏布皮張人參涼蓆筆硯弓刀銅盆等項法載七馱佟志武節得功徐廷觀等願騾跟進城各證是的臣猶未信復喚原跟都司嚴一魁通事官桂應元承差楊世功字識門役劉慶

吉等當堂對質據稱去年六月初一日過鴨綠江迤東愛州定州安州平壤黃州開城碧蹄共七大館往回一十四宴折銀一千四百兩八道及十七小館太守等官俱有贄見土儀十四日至王京王子送下馬宴銀一千兩布袋裝盛又土儀一分虎豹皮各四張人參二十斤綿紬夏布各一百疋鹿皮水獺皮各五張紙劄蓆硯筆墨扇刀等項嚴都司高知州先不肯受土儀將銀退辭王子再三致意方纔收下十六日

遊翰江王子又送禮銀五百兩二官未受止受
土儀一分人參十斤綿紬夏布各三十疋皮張
蓆硯筆墨扇刀綿紙等項十七日起程王子親
自會宴送銀一千兩土儀一分與下馬宴同二
官復辭王子立起再三致意復俱受下又二閣
下贄禮每分人參二十斤綿紬二十疋青硯
筆墨扇紙小刀等項回至開城太守送大
盆二銅盆四熨斗二每一官共受銀三千四百
兩虎豹皮各十六張鹿皮十二張水獺皮十張

人參一百二斤綿紬三百六十六疋夏布二百
三十疋大油紙十塊大小綿紙一百五十束大
小涼蓆一百七十二領江硯八十四方筆墨
三百五件扇三百三十柄小刀一百七十批弓
十張銅器八件一原任副將吳希漢過付辛學
等銀一千餘兩尤恐不的復提吳希漢面問供
稱爲訪拿事本房辛學過付銀二百兩昌孔倫
孫顯祖朱朝貢共銀五百兩承差董繼孝銀二
百兩董繼奎銀四十兩王禮元高騰漢各銀二

十五兩犯人王志德銀五十兩清河守備郭巍
然金首飾一副銀鍾盤八副貂皮四副揀參八
斤銀五十兩又每年希漢自送銀物約三百餘
兩又兩次送愛民男銀物一百餘兩又為賠貂
襖變價銀一百五十餘兩又革任後恐揚昶寨
邊事批渠問斷送良馬參貂約一百五十餘兩
俱本將供證一承差佟世忠銀一百五十兩
伯松銀一百五十兩李繼學銀六十兩人參二
斤張景桂金二十兩王誠忠銀六十兩張應澄

銀一百五十兩一為邊事叅將李如楠送銀三
百兩貂皮襖一件遊擊李騰霄銀一百兩尺頭
一包備禦白潢銀八十兩備禦寧國胤銀十
兩一為提問事備禦金永資送銀一百兩叅將
伊天爵銀鼠皮襖一件銀五十兩都司王朝臣
銀五十兩一備禦周大岐為軍告送銀五十兩
一砂場委官佟翔鳳為訪察送銀六十兩一指
揮于騰雲為追索希舜賊銀送銀一百兩一守
備吳世爵為陞復州遊擊送人參八斤貂皮二

把一備禦郎名忠爲追夷參送銀一百兩一副
將韓宗功爲地界送蟒段六疋沙金二十兩一
都司王汲送銀一封段二疋一遊擊李向日送
舍列孫皮十張一指稱舉薦備禦王瑤清河署
印送謝禮二十兩人參三斤一封價往清河撫
順靈陽開原買參該備各送參十斤原價退回
一堡官王衛國爲批問送銀二十兩金一兩
千戶佟志武求署吏目謝銀二十兩貂皮一把
尺頭四疋計六箇月送紙贖銀一百兩一經歷

薛樺中江抽稅商民數百人訐告送銀五百兩
將贓銀數千盡數開豁該臣見在駁問一經歷
馮之城瀋陽抽稅商民數百人扭告得銀三
兩將原告白尚文坐以匿名左文登時夾死該
臣見在駁問一李孔文爲人命送銀五十兩一
監生李孔章爲誣盜送銀五十兩將屯民戴景
陽戴景栢楊五楊三小廝王善友五名打死該
臣見在駁問一承差巴應登送銀五十兩打死
原告佟尚見該臣行牌戒飭一潘一元張鳴鳳

劉三才劉成祥俱係登時打死擡出州門俱有
卷案其餘剖腹繫頸死于獄者不記其數一高
淮委官宋希曾送銀二百兩金指節一箇且不
止一次每餽送輒一二百金囑拿闔城富戶逼
拷銀物希曾每次輒得千金人之傾家一宋希
曾被打死後財物俱寄伊兄指揮宋希舜處希
舜送獺皮襖一件貂皮襖二件珍珠包頭兩
貂皮二十張人參十斤又一起銀二百兩李國
愛過付楊得春寫禮單一佟養德為詐官參送

銀一百兩人參十斤一靈陽朱繼文為詞訟送
人參十斤一監生陳實為詞訟送銀十兩尺頭
四疋又一起送銀二十兩尺頭二疋一羅
為人命送銀三十兩一送扁賀平民張友躬得
尺頭八疋靴鞮棕扇等件一張德惠為詞訟送
銀一百兩一礦豪劉試魁為訪察送參價五十
兩并原參還州一吏目胡守政抽稅回送參十
斤虎豹皮各一張一經歷薛裡前次抽稅被告
送人參三十斤銀三十兩一吏目陳九法掣鹽